


PETRI LAMBECII HAMBVRGENSIS,
SAČRÆ CÆSAREÆ
MAIESTATIS
CONSILIARII, HISTORIOGRAPHI
AC BIBLIOTHECARII,
COMMENTARIORVM
DE
AVGVSTISSIMA
BIBLIOTHECA
CÆSAREA
VINDOBONENSI
LIBER QVINTVS.



VINDOBONÆ, Typis Matthæi Cosmerovij, Sac. Ces. Majest. Typogr.
ANNO M DC LXXII.

lectio, Λέοντος τε τε ψηφίσεως Ραούλ, hoc est, Leonis de genere Rhaul. Eandem enim loquendi formulam reperi apud Ducam Historiæ Byzantinæ cap. 5, pag. 9 editionis græco-latinæ Parisinæ, ubi legitur, εἰ; τῷ πρώτῳ χόντρῳ ἡμέρας Ραούλ, hoc est, unus oriundorum ex genere Rhaul. Ad quem locum doctissimus Ismael Bullialdus pag. 218 hæc annotat: *Vnde genus duxerit Rhaulus ille, non mihi constat. Cujusdam ejusdem nominis mentionem facit Gregoras lib. 6 duobus in locis, qui a Muzalone relicta Theodoram, Michaelis Imperatoris ex ejus sorore Eulogia neptem, uxorem duxit: γυνὴ δεκαεπτετραγονοῦ τε Μελάλωνοῦ τε Πρωτοβεσιαγίσ, οὐεροῦ καὶ τὸ Ραούλ, Πρωτοβεσιαγίσ καὶ αὐτοῦ ψηφίδης. Et infrā refert Constantimum Porphyrogenitum Rhaulii filiam uxorem duxisse. Phranzes lib. 3 cap. 23 § 25 Georgij Rhauli, Viri nobilitate generis eximij, meminit; qui num ex eadem gente ortas fuerit non mihi constat.* Hæc (1) Bullialdus. Quibus illustrandis inserviunt, quæ Libri hujus quinti pag. 118 & 359 memorantur de Georgio Rhaul ejusque filio Michaeli ante patrem defuncto. Advertendum, tamen ibi est, paginâ 118 pro Ραούλ sive Rhaul ter mendosè legi con breue pag.

279.

ADDITIONALMEN TVM XII,

perrinens ad Libri quinti pag. 297, ubi fit mentio *Narrationis Africani de ijs, quæ per Incarnationem Christi contigerunt in Perside.*

EIusdem Narrationis fit mentio in Catalogo Codicum manuscriptorum Græcorum Inclytæ Bibliothecæ Electoralis Bavariae, Ingolstadij typis Adami Sartorij A. 1602 impresso in quarto, pag. 35 in rectione Codicis nonagesimi quarti his verbis: *Expositio AFRL CANI Rerum in Perside gestarum tempore nativitatis Christi.*

ADDITIONALMEN TVM XIII,

pertinens ad Libri quinti pag. 299, ubi obiter fit mentio *Librorum Sinicorum Augustissima Bibliotheca Cæsarea.*

Intra varia rarissima Rei literaria & pictoria Sinensis monumenta, quæ in Augustissimâ Bibliothecâ Cæsareâ adservantur, spectatu & consideratu digna in primis sunt ea, quæ hoc ipso anno 1672 ad S. CÆS. MAIESTATEM à R. P. Proffero Intorcettâ, Procuratore Sinica Missionis Societatis Jesu, transmissa sunt. Nempe Imo,

I^mò, Tabula ex octo philyris subtilissimæ chartæ Sinensis coagmента, longitudinem habens septem ulnarum, latitudinem autem duarum ulnarum cum dimidiâ, quâ continetur *Iconismus utriusque Hemisphaerij Cœlestis* cum adjunctis characteribus Sinicis:

Il^dò, Tabula ex sex philyris subtilissimæ chartæ Sinensis coagmenta, longitudinem habens quinq; ulnarum cum dimidiâ, latitudinem autem duarum ulnarum cum dimidiâ, quâ continetur *Iconismus totius Orbis terrarum*, varijs coloribus eleganter illuminatus & distinctus, cum adjunctis characteribus Sinicis:

III^tò, *Vita Christi*, in subtilissimâ chartâ Sinensi *Imaginibus Sinicis* expressa, & adjunctâ explicatione Sinicâ illustrata:

IV^tò, *Confucij Principis Philosophiæ Sinensis Scientia Politico-Moralis*, Sinicis impressa characteribus, cum adjunctâ latinâ pronuntiatione singulorum characterum & Versione singulorum verborum, literali, à Iuprâ memorato R.P Prospéro Intorcetâ Siculo, Procuratore Sinicæ Missionis Societatis Jesu, in lucem edita Goa A. 1669 in folio.

V^tò, Quatuor magnæ Tabulæ ex subtilissimâ chartâ Sinensi, quibus continentur *Imagines variarum avium Sinicarum*, vivis coloribus elegantissimè depictarum.

ADDITAMENTVM XIV,

pertinens ad Libri quinti pag. 300, ubi fit mentio *ter mille Numismatum veterum*, quæ adservantur in *Augustissima Bibliotheca Cæsarea*.

Intra antiqua illa *ter mille numismata Augutissima Bibliotheca Cæsarea*, Libro quinto horum Commentariorum paginâ trecentesimâ obiter memorata, præcipuum obtinent locum ea *bis mille ⠃ ducenta sedecim*, quæ olim perituerunt ad V. CL. Thomam Lanham, & hoc ipso anno 1672 à S. CÆS. MAIESTATE *mille ⠃ octingentis florenis*, sive *mille ⠃ ducentis Imperialibus*, per me empta sunt: nempe aurea *viginti quatuor*, argentea *mille ⠃ centum*, ærea *mille nonaginta duo*; de quibus omnibus suo deinceps tempore & loco in hisce Commentarijs accuratius agetur. Ut interim tamen præstantia tūm eximij *Thesauri Rei nummariae antiquæ etiam externo aliquo testimonio confirmetur*, subjungo hic insignem de eo locum, qui existat in *Viri doctissimi atq; celeberrimi Wilhelmi Schikardi Proœmio in Tarich sive Seriem Regum Persia* pag. 33 & 34, ubi de Moyse Prophetâ & Legislatore Hebræorum differitur, his verbis: *Mosen crine rufum credunt Musulmanni ⠃ crissum, quod in cœlesti visione talis*